

60

SANCTISSIMID. N. D.
BENEDICTI
Divina Providentia


PAPÆ XIII.

Literæ in forma Brevis

Ad universos Fratres

Ordinis Prædicatorum Professores

*Adversus calumnias Doctrina SS. Augustini,
& Thoma intentatas.*



ROMÆ, Typis Reu. Camerae Apostolicæ 1724.

JAMES ...

BEN ...

Giving ...

P A E ...

...

...

...

...

...



...

Dilectis Filiis Universis Fratribus Ordinis
Prædicatorum Professoribus.

BENEDICTVS PP. XIII.

Dilecti Filii salutem, & Apostolicam Benedictionem.



Emissas preces, & æquissimas conquestiones vestras, quas Dilectus Filius Augustinus Pipia totius Ordinis Magister Generalis, Religiosæ vitæ exemplis, ac doctrina, prudentiaque commendatissimus, supplici libello ad Nos detulit, ea benignitate complexi sumus, quam, & vestra in Catholicam Religionem amplissima merita, & nostra, quam dudum professi sumus ergà Ordinem Prædicatorum,

observantia filialis, nostræque demum humilitati impositum paternæ caritatis, & sollicitudinis officium postulabant. Quod igitur ægrè admodum, ut par est, molesteque feratis, erroribus à se. record. Clemente Papa XI. Prædecessore nostro per Constitutionem, quæ incipit: *Unigenitus Dei Filius*, saluberrimo, & sapientissimo judicio rejectis, damnatisque Augustinianæ, & Angelicæ Doctrinæ nomen obtendi; indeque audere nonnullos Apostolicæ auctoritati, ac vestræ existimationi detrahere, quod ipsa vestrarum sententiarum capita ejus Constitutionis censuris, notisque inusta esse calumnientur. justam quidem animorum vestrorum ostensionem laudi damus; qua nimirum Vos germanos Sancti Thomæ discipulos maxime probastis. Magisterio enim tanti Doctoris imbutos nihil decet magis, quam ut in additissima huic Sanctæ Sedi Fide, obedientiaque præcipuum Studiorum suorum fructum, & laudem collocent, & absonas, refragantesque Apostolicis decretis opiniones, non avertentur modò, sed per arma etiam lucis, & veritatis dissipent, & evertant. Tantùm tamen abest, ut vicem vestram doleamus, ut vobis potius gratulemur, quod hac etiam in parte causa vestra ab hujus Sanctæ Sedis rationibus sejuncta esse non potuerit; quodque alienæ prorsus calumniosæque interpretationes ad conflandam memoratæ Constitutioni invidiam temerè excogitatæ ad injuriam quoque vestri nominis redundarint. Cæterum non adedò Vobis erat aut dolendum, aut mirandum, quod cum ipsis Divinorum librorum oraculis, & Apostolicis definitionibus pro impotenti, obfirmatoque partium studio passim vis afferatur, hæc eadem contentionis, pervicaciæque licentia Angelicam Doctrinam attentare non dubitaverit. Illud potius jure mirandum, quod tam præpostero consilio in hac causa locus esse potuerit ubi Sancti Thomæ exploratissimis sententiis damnati errores disertissime confutantur. Quandoquidem Omnipotentis

tentis Dei providentiâ factum est (a), ut Angelici Doctoris vi, ac veritate Doctrinæ, non solum innumeræ, quæ vel ipsius ætate, vel antea grassatæ sunt, sed multæ etiã quæ deinceps exortæ sunt hærefes, confusæ, & convictæ dissiparentur. Magno igitur animo contemnite, Dilecti Filii, calumorias intentas sententiis vestris, de Gratia præsertim per se, & ab intrinseco efficaci, ac de gratuita Prædestinatione ad gloriam sine vlla prævisione meritorum, quas laudabiliter hætenus docuistis, & quas ab ipsis SS. Doctoribus Augustino, & Thomæ se hausisse, & verbo Dei, Summorumque Pontificum, & Conciliorum decretis, & Patrum dictis consonas esse Schola vestra commendabili studio gloriatur. Cùm igitur bonis, & rectis corde satis constet, ipsique calumniatores, nisi dolum loqui velint, satis perspiciant, SS. Augustini, & Thomæ (b) inconcussa tutissimaque dogmata nullis prorsus antedictæ Constitutionis censuris esse perstricta; ne quis in posterum eo nomine calumnias struere, & defensiones serere audeat sub canonicis pœnis districtè inhibemus. Pergite porrò Doctoris vestri opera Sole clariora sine ullo prorsus errore (c) conscripta, quibus Ecclesiam Christi mirâ eruditione clarificavit (d) inoffenso pede decurrere, ac per certissimam illam (e) Christianæ Doctrinæ regulam Sacrosanctæ Religionis veritatem, incorruptæque disciplinæ sanctitatem tueri, ac vindicare. Hæc sunt enim, Dilecti Filii, quæ Prædecessores nostri de Sancti Thomæ Doctrina senserunt, & prædicarunt; quæque nos non modò ad curarum vestrarum lenimentum, sed ad animi quoque nostri solatium libentissimè usurpamus, & præconio Apostolicæ vocis efferimus. Inclytus enim Ordo iste, cui nomen dedimus, & quem expressè, Domino miserante, professi sumus, eodem Angelicæ Doctrinæ lacte nos aluit, ac licèt impari institutionis fructu, ad gerendam Ecclesiarum sollicitudinem eduxit; ut privato etiã diuturnoque colendarum artium experimento ediscere potuerimus, quod ex Apostolatus specula per hæc litteras annunciamus. Deum interea, qui pacem, & veritatem diligendam præcipit, supplices rogate, ut sincero Angelici Doctoris studio omnes in simplicitate cordis nitantur, quæ ille docuit, intellectu conspiceri, atque in unitate spiritus, & caritate fraternitatis, quæ ille egit, imitatione complere. Ac Vobis, Dilecti Filii, Apostolicam Benedictionem peramanter impertimur. Datum Romæ apud S. Mariam Maiorem sub annulo Piscatoris die VI. Novembris MDCCXXIV. Pontificatus Nostri Anno Pimo.

Carolus Archiepiscopus Emiffenus.

-
- (a) Pius V. in Bulla Mirabilis Deus 1567.
 (b) Alexander VII. in Brevis incipiente Litteras 1661.
 (c) Clemens VIII. in Brevis incipiente Dilecti Filii. 1603.
 (d) In Collecta Fests.
 (e) Pius V. in Bulla, ut supra.